

淨土十要第九
明傳燈法師撰

淨土生無生論
淨土法語

臺中蓮社
印行

淨土十要第九
明傳燈法師撰

淨土生無生論
淨土法語

臺中蓮社
印行

淨土生無生法論語

※量無德功・印翻迎歡※

中華民國八十三年夏曆四月八日
釋迦牟尼佛聖誕紀念日

隱名氏竭誠恭印貳仟本結緣（贈送品）

印行者：臺 中 蓮 社

住址：臺中市民生路九巷卅二號
電話：（〇四）二二三七三七・二二五一九一二

出版社：青 蓮 出版 社

出版登記：局版臺業字第〇一二三號
住址：臺中市民生路九巷三十號

流通者：明 倫 月 刊 社

住址：臺中市民生路九巷三十號
電話：（〇四）二二六〇一七三

承印者：廣 益 印 書 局

住址：臺中市北屯路二九六號
電話：（〇四）二三三九九五一・二三三五六八七

淨土十要目錄

序 四篇

一

淨土十要第一

阿彌陀經要解

一三

附、無量壽經四十八願

六六

淨土十要第二

往生淨土懺願儀

七七

往生淨土決疑行願二門

九七

淨土十要第三

觀無量壽佛經初心三昧門

一一一

阿彌陀經行願儀

一二一

淨土十要第四

淨土十疑論

一三三

附、法照傳

一五二

附、慧日傳

一五六

附、蓮華勝會錄文

一五八

附、淨業禮懺儀序

一六一

淨土十要第五

念佛三昧寶王論

一六三

淨土十要第六

淨土或問

二〇七

淨土十要第七

西齋淨土詩

二五一

附、蓮池答曹魯川書

二八六

附、藕益開示法語二則

三〇一

淨土十要第八

寶王三昧念佛直指

三〇五

附、破妄念佛說

四〇三

淨土十要第九

淨土生無生論

四〇九

附、續淨土生無生論

四二三

淨土法語

四三九

附、省庵勸發菩提心文

四四七

附、圓觀等九人傳

四五七

淨土十要第十

西方合論

四六七

附、徹悟語錄

六〇一

淨土十要附本

往生論註

六七七

蓮華世界詩

七八一

附、勸修淨土詩

八五五

靈峯滿益大師選定淨土十要第九

述曰。靈峯老人云。昔人列蓮宗七祖。太局確只如天台教主。坐不背西。臥必合掌。

指十疑論等

其發明淨土。如堂堂之陣。正正之旗。無敢與敵。又如法眼冢孫。晝夜彌陀十萬

指四料揀等

聲。萬善莊嚴安養。其發明淨土。如大將軍令出如山。無敢動者。非皆蓮宗列祖。

確確

乎。天台幽溪無盡師。奉慈雲行願爲日課。講自所述生無生論。每一登座。天樂

臨虛。臨終畫空。書妙經題。屹然而化。以爲蓮宗嫡裔。何愧焉。淨要中收幽溪兩

確

作。今會爲一要。近代諸師。公其絕倡矣。

淨土生無生論

明天台山幽溪沙門傳燈和南撰

稽首能仁圓滿智，無量壽覺大導師。所說安養大乘經，了義了義至圓頓。
妙德普賢觀自在，勢至清淨大海衆。馬鳴龍樹及天親，此土廬山蓮社祖。
天台智者并法智，古往今來弘法師。我今皈命禮三寶，求乞冥加發神識。
敬採經論祕密旨，闡明淨土生無生。普使將來悟此門，斷疑生信階不退。
將造此論，立爲十門。一一眞法界門。二身土緣起門。三心土相卽門。四生佛不二門。
五法界爲念門。六境觀相吞門。七三觀法爾門。八感應任運門。九彼此恆一門。十現
未互在門。

初一眞法界門

一眞法性中，具足十法界。依正本融通，生佛非殊致。
論曰：一眞法界，卽衆生本有心性。此之心性，具無量德，受無量名。云何具無量德。舉

要言之。謂性體。性量。性具。云何性體。謂此心性。離四句。絕百非。體性堅凝。清淨無染。不生不滅。常住無壞。云何性量。謂此心性。豎窮三世。橫徧十方。世界有邊。虛空無邊。虛空有邊。心性無邊。現在有邊。過未無邊。過未有邊。心性無邊。無盡無盡。無量無量。云何性具。謂此心性。具十法界。謂佛法界。菩薩法界。緣覺法界。聲聞法界。天法界。修羅法界。人法界。畜生法界。餓鬼法界。地獄法界。此是假名。復有正報。謂佛五陰。菩薩五陰。乃至地獄五陰。此是實法。復有依報。謂佛國土。菩薩國土。乃至地獄國土。令易解故。作三種分別。得意爲言。卽性具。是性體。性量。性體離過絕非。卽性具十界離過絕非。性體體性堅凝。清淨無染。不生不滅。常住不壞。性具十界亦然。性量豎窮橫徧。無盡無盡。無量無量。性具十界亦然。正報五陰。同性體性量。清淨周徧。依報國土亦然。此之三法。亦名三諦。性體卽中諦。性量卽真諦。性具卽俗諦。故楞嚴經云。而如來藏。本妙圓心。非心非空。非地水火風。非眼耳鼻舌身意。非色聲香味觸法。非眼界。乃至非意識界。非無明。乃至非老死。非無明盡。乃至非老死盡。非苦集滅道。非智。非得。

非檀那。乃至非般刺若。非怛闍阿竭。非阿羅訶。非三耶三菩。非常樂我淨。此卽性量無相。是爲眞諦。而如來藏。元明心妙。卽心。卽空。卽地水火風。卽六凡。卽二乘。乃至卽如來常樂我淨。此卽性具十界。是爲俗諦。而如來藏。妙明心元。離卽離非。是卽非卽。此卽性體統攝。是爲中諦。又云如來藏。性色真空。性空眞色。清淨本然。周徧法界。地水火風空見識。莫不如是。地水火風空見識。卽性具也。清淨本然。卽性體也。周徧法界。卽性量也。又地水火風空。清淨本然。周徧法界。卽依報國土性體性量也。見識清淨本然。周徧法界。卽正報五陰性體性量也。云何受無量名。舉要言之。此之心性。或名空如來藏。或名眞如佛性。或名菴摩羅識。或名大圓鏡智。或名菩提涅槃。性體性量名空如來藏。卽性具十界五陰國土名空如來藏。性體性量名眞如佛性。卽性具等名眞如佛性。性體性量名菴摩羅識。卽性具等名菴摩羅識。性體性量名大圓鏡智。卽性具等名大圓鏡智。性體性量名菩提涅槃。卽性具等名菩提涅槃。故曰。一眞法性中。具足十法界。依正本融通。生佛非殊致。問曰。此一眞法界。爲初心是。爲後心

是若初心是，應無七名。若後心是，應無九界。初後俱墮，立義不成。答曰：此正顯初心。是以初心是故，方有後心是。以後心是故，方顯初心是。云何以初心是方有後心是？如果地依正融通，色心不二，垂形九界，方便度生，悉由證此，因心所具。故曰：諸佛果地融通，但證衆生理本，故得稱性施設，無謀而應。若不然者，何異小乘外道，作意神通？故法智大師云：六卽之義，不專在佛。一切假實，三乘人天，下至蜎蜎地獄色心，皆須六卽辯其初後。所謂理蜎蜎，名字乃至究竟蜎蜎。以論十界皆理性故，無非法界，一不可改，故名字去，不唯顯佛，九亦同彰。至於果成，十皆究竟。云何後心是方顯初心？是正由後心果地，全證衆生理本，故果地七種名目，悉是衆生性德美稱。但衆生在迷，性德不顯，故無此稱。剋論性德，豈可言無？故初後俱善，立義成矣。

二身土緣起門

一眞法界性，不變能隨緣。三身及四土，悉由心變造。

論曰：一眞法界性，卽前文所明性體性量性具也。教中說，眞如不變隨緣，隨緣不變。

者，正由性體性量卽性具故。如君子不器，善惡皆能。故晉譯華嚴經云：能隨染淨緣，具造十法界。謂真如性中所具九法界，能隨染緣，造事中九法界。真如性中所具佛法界，能隨淨緣，造事中佛法界。所以能者，正由性具。性若不具，何所稱能。天台家言：並由理具，方有事用。此之謂也。是知事中十法界三身四土，悉由真如隨緣變造。旣曰真如不變隨緣，隨緣不變，則事中染淨身土，當體卽真，無一絲毫可加損於其間者。楞嚴經云：見八識分與見緣八識相分，起性并所想相此不了依他而起徧計，如虛空華，本無所有。此見及緣，元是菩提妙淨明體是也。若然，則娑婆極樂，此世衆生，當生九品。彌陀已成吾心當果，悉由心性之所變造。心具而造，豈分能所。卽心是佛，卽佛是心。卽心是土，卽土是心。卽心是果，卽果是心。能造因緣，及所造法，當處皆是心性。故明此宗而求生樂土者，乃生與無生兩冥之至道也。

三心土相卽門

西方安樂土，去此十萬億，與我介爾心，初無彼此異。

論曰。佛說阿彌陀經云。從是西方。過十萬億佛土。有世界名曰極樂。百億日月。百億須彌。百億大海。百億鐵圍山。名一佛土。十千爲萬。十萬爲億。一佛國土。已自廣大。況億佛國土乎。況十萬億乎。是則極樂國土。去此甚遠。博地凡夫。念佛求生。彈指卽到者。正由生吾心所具之佛土也。言介爾心者。卽凡夫念佛之心也。刹那之心。至微至劣。故稱介爾。謂十萬億遠之佛土。居於凡夫介爾之心。卽心是土。卽土是心。故曰初無彼此異。問曰。介爾之心。居於方寸。何能包許遠佛土。答曰。介爾之心。昧者謂小。達人大觀。真妄無二。蓋此妄心。全性而起。性既無邊。心亦無際。性如大海。心如浮漚。全海爲漚。漚還卽海。蓋真如不變隨緣。隨緣不變。旣曰隨緣不變。豈可以真妄而局大小哉。

四生佛不二門

阿彌與凡夫。迷悟雖有殊。佛心衆生心。究竟無有二。

論曰。阿彌陀佛者。果人也。成就三身。四智。十力。四無所畏。十八不共等功德。凡夫者。

因人也。具足無量恆沙煩惱，造作無量恆沙業繫，當受無量恆沙生死。迷悟之相，譬彼雲泥。言究竟不二者，謂據相而言，則不二而二。約性而論，則二而不二。蓋諸佛乃悟衆生心內諸佛，衆生乃迷諸佛心內衆生。所以悟者，悟衆生本具性體性量性具也。所以迷者，迷諸佛所證性體性量性具也。心性之妙，豈受其迷。迷而不迷，斯言有在。故衆生本有性體，卽諸佛所證法身。性量卽報身。性具卽應身。四智十力四無所畏，十八不共等功德，會合可知。故古德云：諸佛心內衆生，塵塵極樂。衆生心內諸佛，念念證真。故彌陀卽我心，我心卽彌陀。未舉念時，早已成就。纔舉心念，卽便圓成。感應道交，爲有此理。故念佛人，功不唐捐。

五法界爲念門

法界圓融體，作我一念心。故我念佛心，全體是法界。

論曰：行者稱佛名時，作佛觀時，作主伴依正餘觀時，修三種淨業時，一心不亂時，散心稱名時，以至見思浩浩，恆沙煩惱。凡此有心，皆由真如不變隨緣而作，全體卽是

法界。故法智大師云。法界圓融不思議體。作我一念之心。亦復舉體作生。作佛。作依作正。若然者。餘心尙是。況念佛心乎。是故行者念佛之時。此心便是圓融清淨寶覺。以此妙心。念彼阿彌。則彼三身。何身不念。求彼四土。何土不生。但隨功行淺深。品位高下耳。

六境觀相吞門

十六等諸境。事理兩種觀。彼此互相吞。如因陀羅網。

論曰。境觀相吞者。正由事事無礙也。事事所以無礙者。所謂有本者如是也。蓋由法界圓融不思議體。作我一念之心。亦復舉體作生。作佛。作依。作正。既皆全體而作。有何一法不卽法界。故曰。一塵法界不小。刹海法界不大。多亦法界。少亦法界。是以西方十六諸境。吾心事理二觀。一一無非法界全體。如帝釋宮中因陀羅網。雖彼此各是一珠。而影入衆珠。雖影入衆珠。而東西照用有別。境觀亦然。以境爲事。則觀爲理。理能包事。是爲以觀吞境。以觀爲事。則境爲理。理能包事。是爲以境吞觀。若觀若境。

或一爲事，餘爲理。或一爲理，餘爲事。彼此互各相吞，故如因陀羅網。若然者，當我作觀時，則西方依正已在我觀之內。我今身心已在依正之中。了此而求生安養，可謂鴈過長空，影沈寒水。鴈絕遺蹤之意，水無留影之心。

七三觀法爾門

能觀爲三觀，所觀卽三諦。全性以起修，故稱爲法爾。論曰：三諦者，真俗中也。三觀者，空假中也。忘情絕解，莫尙乎真。隨緣應用，莫尙乎俗。融通空有，莫尙乎中。虛靈不昧，此吾心自空者也。物來斯應，此吾心自有者也。空有相卽，此吾心自中者也。此性也，非修也。三諦也，非三觀也。修之者，稱性照了也。故體達此心，空洞無物，謂之空。照了此性，具足萬法，謂之假。融通二邊，不一不異，謂之中。然則卽虛靈而應物也，卽應物而虛靈也。空卽假中也，假卽空中也。中卽空假也。是稱性而修也，絕待而照也。不思議之三觀也。首楞大定之司南也。此別論也。如此若總論者，或以吾心虛靈者爲空，以所觀萬物者爲假，以心境不二者爲中。物吾心之

物也。何假而不空。心萬物之心也。何空而不假。卽心卽物。卽物卽心。何中而不空。假假空卽中可知。是以觀極樂依正者。以吾一心之三觀。照彼一境之三諦。無不可者。以吾三觀之一心。照彼三諦之一境。亦無不可者。虎溪大師云。境爲妙假觀爲空。境觀雙忘卽是中。忘照何嘗有先後。一心融絕了無蹤。尙何三觀之不法爾乎。

八感應任運門

我心感諸佛。彌陀卽懸應。天性自相關。如磁石吸鍼。論曰。諸佛衆生。同一覺源。迷悟雖殊。理常平等。故曰。諸佛是衆生心內諸佛。衆生是諸佛心內衆生。迹此而言。則諸佛衆生。心精無時而不通。但諸佛無時不欲度生。而衆生念念與之迷背。故勢至菩薩云。一人專憶。一人專忘。若逢不逢。或見不見。子若憶母。如母憶時。母子歷生不相違遠。若衆生心憶佛念佛。現前當來。必定見佛。去佛不遠。正由一理平等。天性相關。故得任運拔苦與樂。況無量壽佛因中。所發四十八願。誓取極樂。攝受有情。今道果久成。僧那久滿。故凡百衆生。弗憂佛不來應。但當

深信憶念，數數發願，願生西方。如磁石與鍼，任運吸取。然磁能吸鐵，而不能吸銅。鍼能合磁，而不能合玉。譬猶佛能度有緣，而不能度無緣。衆生易感彌陀，而不易感諸佛。豈非生佛誓願相關者乎？是以求生淨土者，信行願三缺一不可。

九彼此恆一門

若人臨終時，能不失正念，或見光見華，已受寶池生。

論曰：往生傳云：張抗仕石晉，爲翰林學士。課大悲呪十萬遍，願生西方。一日寢疾，唯念佛號。忽謂家人曰：西方淨土，祇在堂屋西邊。阿彌陀佛，坐蓮華上。見翁兒在蓮華池金沙地上，禮拜嬉戲。良久念佛而化。翁兒，抗之孫也。所以爾者，蓋西方極樂世界，乃吾心中之一土耳。娑婆世界，亦吾心中之一土耳。約土而言，有十萬億彼此之異。約心而觀，原無遠近。但衆生自受生以來，爲五陰區局真性，不契心源。念佛之人，果報成熟，將捨現陰，趣生陰時，淨土蓮華，忽然在前。唯心境界，非有去來彼此之相。故首楞嚴經云：臨命終時，未捨暖觸，一生善惡，俱時頓現。純想卽飛，必生天上。若飛心